

松潘縣志

松潘縣志

民國甲子年孟春月

新刊

志序

龍洞巖疆蟄叢舊屨二岷毓秀去江漢
源扶輿介乎坤中列宿躔以參井兗氏環衛
早成用武之鄉豪傑誕生近逮若文之代
惟惜天恤寒度地虜不毛維荒且瘠多缺
陷焉顧勢控川甘界分夷漢雪山高矗北道
鍾靈江水順流西岷鑿險七百四十寨互接

砌墻六萬五千人環居塵市版圖具載歷
史堪稽在昔虞夏荒服商周僭王強於苻秦
竄以允伏唐宗羈縻不足昭清征服有餘宣
威境上美伯約城堞依然集議樓中孝文饒盡
萬宛在制御有方無勞將帥操切泛事忽變
仇讐斯又千年之積習而非一日之造因也乃者
民國建邦軒輊共族在東亞不啻同胞

班定遠無藉綏木蘇子卿不冀屈辱彼
疆此界早除畛域於胸中尔詐我冀久置
猜慳於度外如興實業皮毛亦可文章若
事詩書學校皆成俊秀將令邊閩夢至胡
越一家治斯土者果能相見以誠步其類
者必易成就乎範不規於兵戈之雷厲自
循然教化之風行方今召集耆英創修志

乘四月權招九月告成撫茲兵燹之餘深恐
採編不易所幸事資考鏡鄉邦之文獻猶
存遂能類集成書人物之搜羅具備仿史公
七十傳成松志廿萬言爰弁簡端藉著梗概賢
明有作殷鑒非遙

時在民國六年丁巳夏五月松潘知事張典謹叙

志叙

中原大勢定天下者必先四川此秦漢
以收蜀竟全功治四川者必定松潘此唐
明以籌邊垂遠略倘松潘不靖匪獨一隅
之患亦成都之憂蓋松潘左連秦隴右
達川邊上抵青海下接茂威順流而下徑

趨成都有若建瓴勢使然也故其地踞
西陲之上其民多番夷之族維氏與羌四
面環處漢人之居是邦者僅十之二三夷性
狡黠偶一蠢動松城為墟近代庚申辛亥
之變其明徵也幸松夷無遠志隣邑有重
兵成都賴以安枕若大府赫怒謀畧有方

搗其巢穴蠢爾番夷翕然內向無事窮
兵黷武也自漢元鼎六年附入版圖以來
歷二千餘載其間叛服不常如庚申辛
亥之變者不知凡幾大抵文武官斯土
者控御有方則漢夷俱安撫綏無術則
夷為漢患為政在人而政固有本洵不

可漫無借鑑而徒事操切借鑑者何志
乘是也松舊有志一再燬於兵燹民國
六年松令張君敷五奉憲檄修復舊志
適湯君錫三宦遊歸馬君耀菴亦在籍
相與為理而成是志意謂古之治夷者
多始以威服之繼以羈縻之而不進求

乎所以教之養之者無怪乎叛服不常
為地方患也間嘗橫覽宇宙凡屬地方
有人才則文明日進饒物產則富強可圖
考松山水最多竒秀至漳臘而磅薄鬱
積縈紆襟帶尤極山水之異前代周瑛
馬元輩立功沙場名彪麟閣皆生其

間今湯君亦生於斯出仕有政聲歸
而與邑中文人講求學校蒸蒸然日
進文明用夏變夷不難也夷何患焉
又考松之關外茫茫草地縱橫數千
里梯商航客結隊往來與黃河青海
一帶吐蕃交易儼然一大商埠土地

如其潤生殖如其蕃當道者若以之殖民謀畜牧則牛羊可不育而孳謀開墾則地土可變荒為沃國家富強之本將基於此松之地又豈特屏翰成都控制邊要者哉此吾讀松潘志不禁睪然高望也錫三與其弟煥然與余

善松志成索余序余既述其崖畧并舉其大者為當軸獻一籌後之覽者應不以余言為河漢焉

民國癸亥冬灌縣賈不山山人叙

序

松潘縣志由淳及今歷二千餘年而不成者何也其雖有八地居荒徼舊屬氏羌秦漢淪於夷狄武帝勤求遠略始招慰之隸入版圖別無州縣可考其雖一浚漸歸化叛服不

常書禮未嫻聲教不通非失狂獠即流悍桀浚魏時又為白水羌像舒活占據其雖二至浚周龍涸郡王莫昌內附改置扶州由隋及唐武德初力事羈縻置下府管轄雖有州縣名稱猶在戶口其雖

三廣德時仍陷於吐谷渾終宗之母
自居風氣不奉車書屢抗朝命
舉凡夷地夷俗夷情更無可紀載
其雜四元惟威服安置無方明時
昌清翕然明服建設重鎮喁喁
向然漢夷雜處各殊風化草昧文

物粗於簡易力趨新尚質不勝文其
雖五清初僑寓者多文明日進至
同先間松潘同知何君遠慶手輯
松志一編已具厓畧惜什不獲一復
未竟厥志而卸事其難六繼任者
為周君儕亮路君暄及總戎夏君

毓秀設局蒐羅僅成志草四冊又
病其擇焉不精決焉不詳不免挂
漏之謂其難七越咸豐庚申及宣
統辛亥番夷肇釁舊有圖籍蕩
燬無存其能撫拾於萬一者不過
等諸夏五郭公之列其難八今則

時局翻新人文薈起天張不收松
潘之不可久無志也人尤希冀松潘
之志亟待有成也值民國己未張
君典蒞松毅然有修志之議通錫
君錫三由隴上辭官回勉創松人
之請同馬君耀菴等所乞商榷彈

心編纂閱之年而歲事其體例
仿段至裁撰官順縣志綱舉目張
類分總晰取宏選精考覈確當俾
全境之山川險要政治人物辰卷瀏
覽瞭如指掌足見松人士立志之
堅用心之苦其徵求採輯又不憚煩

勞使二千餘年之志乘復經來
厄晦而一旦告成此又難之至難者
也陽表崇基為相誼志成禱基
為序吾觀夫松潘地處邊徼川
蜀西北之門戶而六國隴之藩籬
東連龍安南接威茂西盡吐蕃

北極洮岷四塞之地也為形勢所必
爭故番夷得乘間滋擾殆無寧
息雖因武備不修之由運籌失算
人與法俱亡而攻守之勢異也人
第知籌四川者當以松潘為重
要而不知籌松潘者又不僅

在松潘也尤宜以漳臘為重要
高屯堡為犄角分設重兵互相
策應無事為屯田有事為勁旅
是兵習勤勞而餉源不絕計之
善也使當日者能借著前籌
何至有庚申辛亥之變哉又觀

夫松潘區域毘連草地萬山羅
列特闢商埠物產豐富牧畜繁
孳為利源所泛出果能保商賈
以廣招徠減釐稅以輕擔負啗以
厚利重恆商艱人爭來歸如水
赴壑紙跋涉險阻不遑恤也

奚必斤斤苛飲出饒人自食其肉
肉盡而身亦斃郭去云為政在人
人存政舉尚已有人無法猶可為治
有法無人必極於亂松潘縣志
即已過之事實而為現在之狀
法也尤望後未宰治得人因革

捐益視夫時搆繼張紀審夫勢
勿拘今勿泥古斟酌地方情形而
變通之可也若徒作縣志觀僅
供文獻上之參考是云失松人
士修志之苦心矣不亦慎乎
民國十二年歲紀昭陽大淵猷

徐月前清庚戌特科法官權
縣蔡培基叙



志序

松潘據蜀上遊遠通河隴近徧羌番川西安危樞紐於此固不可無志庚申辛亥兩次番變志乘散滅考詢綦難慨自人皇誕生奧域始闢大禹受命江源乃通迄今四千餘年轉以外徼遐荒奪其神蹟越漢迄唐恒有邊釁明清用武省會始安毖後懲前尤其急務地勢雖僻實爲要區物產豐饒商賈麇集民性勇健強國所資經緯萬端皆待綜核苟無志乘何所憑藉哉且松潘轄地遼濶西北出口即西寧蒙古西南出口即瞻對德格正西出口即青海玉樹關係重大故志乘急宜修復俾風土形勝舉目瞭然更以威信綏服番人納諸軌物自必耦居無猜相與

松潘縣志

志序

一

五

安堵倘西陲重鎮絕無考鑒之書常則爲一隅恥變則爲全省憂矣癸丑歲松令傅君樵村暨余君良俊倡議撰志旋奉部令飭修未就緒而去丙辰秋張君敷五接篆鑒於縣志重要悉心籌款於今年四月開所徵集紳士並借材他邑徵文考獻期在必成先定體例俾有指歸凡前此所未備者均從事訪輯屆九月而葺事記載周詳於籌邊撫民不無裨益後之覽者或有取焉民國六年歲在丁巳溫江徐湘識

志序

蜀西關鍵以松潘爲最要扼岷嶺控江源左鄰河隴右達康藏漢番雜處不易撫綏而屏翰成都實有建瓴之勢安危所繫非獨一隅故籌邊者宜首及焉昔漢威西被護羌校尉駐此隋唐並事羈縻州郡迭置俾受約束明建巡道清設總兵節制多方與時並進意在董之以威固我疆圉盖夷性難馴異於內部縱得良有司亦或侮其異懦必剛柔互用釁乃不生由來久矣國體變更世方多故狼子蹈隙松城爲墟比於咸豐庚申禍且有加無已形勢如彼其重災害如彼其深雖喪亂旣平可圖善後而元氣屢傷補牢恒覺其晚此籌邊者所爲太息而况借箸之

松潘縣志

志序

一

少所憑藉也夫松雖僻左文獻足徵取精用宏旣庶且富是亦邊陲之雄鎮慢藏誨盜則啟戎心有備無虞則臻民福非可度外置者前有廳志粗具規模政畧所資燼於番變當繁劇之任而無所考鑑冥行索途不其殆哉馬耀菴湯錫三諸君欲補其闕適大吏檄屬撰志當其事者延使承乏於是殫竭精慮廣與蒐採數易寒暑始觀厥成較舊志爲翔實執以敷政綱要具在又不僅籌邊之一助已也諸君皆此邦之雋猶能不恥下問商訂及予因爲述其厓畧弁之卷首民國八年歲在己未十月導

江羅駿聲序

志序

松潘古氏羌地漢元鼎六年始入版圖其山脈從崑崙來隱麟
鬱嶮峯崑崙嶺鋒芒不可逼視其水澤弗宓汨奔騰直下而鮮
縈紆其人椎魯然大率皆非土著唐宋第羈縻之而已明代始
設重鎮前清因之顧文獻無徵絕無志乘民國六年知事富順
張君敷五及視學北川李君茂先暨邑紳湯君錫三馬君耀菴
等迺發凡起例搜遺訂墜存什一於千百破晦盲之天荒授漳
讀之恂窺崖畧乃爲之敘曰

維王建國維天生民辨方定位緣督爲經廣輪延袤扼塞區分
麗譙樓起燕寢香薰康莊道達仁讓風醇支分羊膊流達雞屯

松潘縣志

志序

一

川

志建置疆域關隘城池治署里鎮風俗山川第一服鄉道古則
壤成賦雁戶遷移虎鹽布沔食重茶經典存權署紅粟貫盈蒼
黎襁負漢逋口錢唐習掌故鄉校育材邊關置戍志古蹟田賦
戶口鹽政茶法權政倉廩徭役蠲政學校法團兵制第二冉駹
獷悍西徼荒遙羈縻不足征剿頻勞平羌丁玉衛國文饒有備
無患義問宣昭志邊防第三淳維夏後冒頓天驕屏藩外境翼
戴中朝有功則賞不亡久要吠同蜀犬貢比旅獒志土司第四
書旌宅里禮謹敢塗伊耆古蜡楚國神巫飲酒受福害去薶除
六條察吏三舍課徒志坊表墳墓壇廟官師第五甘棠勿翦茅
拔連茹媼榮閔望言楷行模儒而不仕孝乎友于耆年粟帛庸

德機樞鸞孤鵠寡誓志不渝志宦績選舉封蔭鄉賢行誼孝友
耆壽列女第六常山罵賊睢陽死守推印龔勝持節蘇武廣達
棺題元通劍舞志忠節第七言有壇宇學如蛻蟠虞初可訪齊
諧同觀鵜飛鰈泳鷁退鯢潘小言破道稽古同天續茲禱杙光
我簡編志文苑物產祥異外紀第八太歲在著雍協洽涂月下
澣左綿辛湄居士陳漳撰

志序

縣之有志猶國之有史周禮外史掌四方之志小史掌邦國之志傳古信今備載文獻體例雖殊而敷陳經制薈萃前聞足以資觀感寓勸懲其用意一也松潘係蜀安危自漢迄明邊防武略散見諸書無專籍記載考古者憾焉清康熙間平定西蕃建設羸備屢奉朝命增修天下輿記部書徵取各省志乘四川提督周瑛松潘衛人在本鎮任內延聘紳耆創修松志彙集成編嘉慶九年採入四川通志此後未聞增修咸豐庚申舊本燬於兵燹同光以來同知何君遠慶手纂志略僅存什一繼任周君儕亮路君暄總兵夏君毓秀均設局蒐羅亦僅集草四冊辛亥

松潘縣志

志序

一

□

變亂乃至散軼無存

聘之

自光緒□需次甘肅會續修全省通

志前御史安君維峻布政使豐君申泰總其事任

聘之

採訪分

纂三年稿迺成耳目所及獲益良多民國乙卯回川寓居灌縣得晤馬君耀菴故同年舊好爲言修松志事竊思松潘爲川西重鎮不可無志因與商榷辦法丁巳三月來松縣令張君敷五任以協修職務事關創始兼以文獻不足蒐輯良難幸總纂徐君鏡澄抵松又得李君茂先集邑人士分類採編昕夕討論倣四川通志暨富順縣志體例徵集網羅凡涉軍民教養諸大端析理分條必備志之蓋其慎也志成同人囑

聘之

序其首夫松

志自乾嘉以後屢經有司設局纂修訖未完備今賴周路傳余

諸君倡議於前張君葺事於後屢易寒暑始觀厥成若有數焉
斯誠不朽盛事矣至於補苴罅漏訂正錯譌是所望於後之君
子民國六年歲次丁巳夏湯聘之謹序

志序

昔先王綱紀天下表山川析疆域稽俗尙程土宜所以敷政而策治安慎守以觀時變九邱具載列國有風美惡用陳得失攸著春秋以降史乘闕如至於子長列傳班范著書凡屬人物臧否罔不成爲表志若乃荒檄幽遐格於形勢聲教所闕記載不存後世雖入版圖考古迄無殷鑒文物不足杞宋何徵是固以地限矣松潘遠在戎索禹貢敷土列服外荒漢尉護羌納款內附隋唐開拓設治羈縻宋元復經陷亡明清始爲征服然漢夷雜處叛服無常狼子難馴古今一轍觀於近世變端金城倏爲焦土池魚殃及十室九空則其所以毖後懲前者要惟恃鎮懾

松潘縣志

志序

一

得人按圖畫策寬猛張弛消息時宜整軍急於治民制夷重於施政固其所獨殊也昔李衛公下車伊始即亟籌邊繪厥道途俾資戰守不知徵諸士人事倍功半何若載在簡冊日擊心通况今松潘物阜民殷迥異疇昔屏蔽天府銷鑰西陲喁喁向風匪伊朝夕番夷企化諒亦非難地勢隨人力爲轉移風會豈一成而不易值此民國肇建日趨大同五族共和泯除畛域夷廳爲縣即其見端綜此二千餘年之陳跡治亂興衰迭為倚伏而無志乘以資考證不幾冥行索途耶爰因張君敷五蒞松創修邑志採訪鈎稽光遠與其役爲述旨趣如此正疵謬而潤色之
所望於後之覽者民國六年歲次丁巳馬光遠謹序

松潘縣志目錄

卷首

志序

志目

修纂姓氏

例言

圖考

卷一

建置

疆域

松潘縣志

卷首 志目

關隘

城池

治署

里鎮 附道路

風俗

山川

卷二

古蹟

田賦

戶口

鹽政

茶法

權政

倉廩

徭役

蠲政

學校

附典禮實業

法團

兵制

卷三

松潘縣志

卷首 志目

邊防

卷四

土司

卷五

坊表

墳墓

壇廟

附宗教

官師

卷六

宦績

選舉

封蔭

鄉賢

行誼

孝友

耆壽

列女

卷七

忠節

卷八

松潘縣志

卷首
志目

文苑

物產

祥異

外紀

松潘縣志 修纂姓氏

前清主修

松潘同知貢州何遠慶松州潘州同知林何亮清

舉人內閣中書周儕亮松州潘州同知路瑄

主修

松潘縣人知縣傅崇渠松州潘州同知余家驤

松潘縣人知縣張典

總纂

截取知縣徐湘湖北穀進城士縣知縣陳漳

灌縣舉人羅駿聲灌縣舉人葉春祺

松潘縣志

卷首 修纂

一

協修

松潘視學人李景澄松州潘州同知湯自新

候選府生馬光遠候選府生佐文耀光

前縣州學正湯聘之前縣州學正縣哈秉忠

前茂縣理番縣陳朝璽前茂縣理番縣丞米家書

分纂

高小學生校馬逢樂高小學生長楊光國

松潘視學祁光第松潘視學南直貢州判馬玉琳

前松潘人教周盛祺前松潘人教南直貢州判楊家澄

世襲雲騎尉文為富世襲雲騎尉部書記趙翼

松潘視學

楊芳培

長統部書

記高

杰

承審員

王之淦

文

生馬

志

高小校長

吳遠

文

生趙

汝霖

高小校長

丁嚴教

員吳

榮

採訪

劉崇恩

孫鴻年

文趙心一文

馬源清

張澤潤

沙介屏

米粲雲

馬楨賢

生苗學藩生

馬鍾英

松潘縣志

卷首修纂

二

紳馬受雲教

妥體仁

張壽山

馬文選

曹維誠

米家山

譚光輝

馬貞元

王錫章

王治平

耆楊維荃

曹克陽

文馬聯陞

苗光第

楊光斗員

王聯陞

李煥章文

謝鴻恩

生李大章生

常德明

科 李煥 炯 庠

馬昌元

郭熙章

胡萬鎰

員 趙岷 釗

許忠義

教 馬兆乾

趙文淵

孫承恩

魏照明

張鵬翼

馬相義

路雲龍

楊苑華

員 路春培

余耀德

庠 趙士魁

李登瀛

生 馬貞吉 生

左奉璋

松潘縣志

卷首 修纂

學 徐步蟾 教

趙士傑

母全楨

賴煥章

劉耀南

蒙永江

陳朝樑

楊家埏

王培基 員

文楨

湯載輿 學

湯鴻慈

沙恒春

陳光耀

米九穗 紳

陳光炯

紳 趙席珍

繪圖列表

祁光第

姜慕儒

湯鴻奎

周申甫

校勘監印

周永欽

湯次珊

高如邦

劉承寬

書記

何文燦

晉廷炳

徐仲昭

馬世林

米文明

郭少賓

松潘縣志

卷首修纂

四

繕寫刊印

張務本

蔣紫雲

韓存古

凡例

一松舊無志清康熙雍正間周瑛治松時奉朝命修輯採入四川通志後屢經有司設局纂修兩次兵燹散軼無存國體既更集議修復邑人士盡力搜羅仍不免挂漏閱者諒之

一天文祀典舊例均別爲一項援引甚繁今仿富順縣志例分載以類相從入疆域學校用便參稽

一建置疆域依據通志增修至歷代沿革另列表式俾易瞭然若山川關隘里鎮壇廟坊表墳墓則查勘確鑿並將地址里數分別注明

一風俗漢夷不同漢俗就習慣採錄夷俗則另詳土司篇以備參

松潘縣志

卷首 凡例

一

考

一岷江發源松潘收納細流經過全境茲編詳述源委據水經注江源考等書慎加採錄俾全蜀農田水利知所本焉

一古蹟金石繁蹟番變多燬茲編有可考者詳其實無可考者亦載其名藉存告朔餼羊之意

一田賦戶口鹽法茶法榷政倉廩等俱照新舊成案列入惟稅分國家地方二項年有增減未能確定暫依見年徵收填注

一自前清丙午後始改書院爲高小學校漸次推廣城鎮鄉小學惟財力支絀每年量稅羨多寡以資補助文廟祀典亦即附載於此從富順縣志例也

一松地漢少夷多邊務特重故防營兵制番族部落採列較詳至歷代武略亦備述之既不沒前人之功並以爲籌邊之助

一庚申辛亥兩次番變爲禍甚烈故志中詳述顛末欲後人知所警備男女殉難者均錄無遺冀末世崇風節也

一官師秦漢無徵付之闕如隋唐以下有可考者皆記之松爲古用兵之地故特於武秩加重

一宦蹟鄉賢忠節行誼孝友各以類聚有舉報入祀者照錄之未舉報而事實與部案相符仍分類載入亦準富順縣志例

一選舉記列朝文武科名民國取士概由學校故畢業有入官資地者亦列於後此外則議員當選備志之

松潘縣志

卷首 凡例

二

一列女節婦則稱某姓氏貞女則稱某姓名爲已字未字之別其有事實可詳者並記於下

一此次奉令纂修飭仿富順縣志其文苑專載宿儒於山川題詠人物記傳均附錄各類後今應仍其例惟松潘無宿儒可載故著作不盡歸類其有辭義斐然者則隸入文苑焉

一松地甚寒每歲僅種豆麥一次小河南坪稍暖可以藝稻此外動植礦物特產較多藥材尤良茲述其形質氣味以資取用

一祥異舊載日月蝕此行星軌道全國一致未足爲異今特誌本縣所發見者以供博物家之研究

一外紀記餘也凡屬松邑所有無可附記者姑存於後志不忘耳

松潘縣修志引用書目及鈔記錄後

漢書 三國志 唐書 新唐書 宋史 元史 明史 西
漢四裔圖考 隋四裔圖考 唐四裔圖考 資治通鑑 元
和地理志 水經注 江源考 顧亭林天下郡國利病書
四川通志 全蜀藝文志 錦里新編 隨園詩文集 富順
縣志 龍安府志 茂州志 理番志 汶川志 灌縣志
輿地彙鈔 文武官署鈔錄舊案 各處碑記古人題詠 教
育部章 松潘雜志 四川忠義錄 採訪鈔記

松潘縣志

卷首 書目

三

松潘縣圖說

松潘幅幘遼濶廣袤千里面積的數未易實測茲據四川新地圖所畫分縣界測之松約占全川面積之二百二十九分之三十四以四川全省面積一百二十九萬七千九百三十方里計之得全松面積爲十九萬二千七百零六方里然此數之的否當視新地圖與四川全面積數之確否爲定閱者亮之又攷松潘屬地東西起地球經度偏京師西十一度三十分止西十四度三十分南北起緯度赤道北三十一度五十二分止北三十四度十分縣城居地球經度在京師偏西十二度五十八分緯度赤道北三十二度四十二分茲就經緯設直線每方格邊線五十五分四方格線爲二

松潘縣志

卷首 圖說

一

里百以東西南北起止度數分數與方格里數較算約全縣面積爲十九萬二千七百零六方里漢地城鎮鄉關占三分之一番地關內關外部落占三分之二圖之縱橫地面四正四隅道路多有山水曲折里數未能密合東西距一千二百一十里南北距五百四十里四正邊界東至木瓜墩與平武葉塘連界距城二百一十里西至黃勝關口外十二部落與甘肅屬番達子連界距城約一千里南至平定關與茂縣永鎮連界距城一百九十里北至口外包座鐵布與甘肅楊土司屬地連界距城約三百五十里四隅邊界東北至南坪柴門關與甘肅文縣哈南寨連界距城四百二十里東南至白草與北川縣連界距城二百六十里西北至口外上十

二部落二道黃河物藏與甘肅屬番連界距城約八百里通西甯道西南至口外三阿堪三郭羅克與川邊德格瞻對及咱車喀連界距城約二千里通西藏大道以上圖式因山水環繞道里崎嶇草地邊界亦甚遼濶篇幅狹隘不能無差然四至方向山脈水源河道城鎮鄉關部落要隘一一識別較前代舊本微詳後有賢者再能實地測量精益求精補前人所未逮裨益邊方誠非淺鮮矣

松潘縣志

卷首 圖說

二

松潘縣城垣街道圖說

松潘自漢設治越一千餘年至明洪武中始規定築城西環崇山東

臨岷水四周鞏固城內建衛指揮署即今縣署改古都督府爲總

兵署增置壇廟修理街衢正街自北而南約一里許自西而東約

二百步偏街小巷四十餘道城外東北亦有坵郭民居人烟稠密

商賈輻輳爲西陲一大都會也惟金蓬塔子廟靈窰頭諸山環拱近

城歷代戍兵節節防衛籌邊事者宜注意焉湯鴻奎誌

松潘縣沿革表

兩漢	松	潘	縣
三國漢晉	升遷	縣	改置屬汶山郡
宋齊	省	吐谷	魏
魏	吐谷	渾地	魏
周	扶州	龍涸	郡
隋	扶州龍涸	龍涸	郡
唐	松州交	川郡	武德初置
宋	吐蕃	地	宋
元	屬吐蕃	蕃等	處宣慰司
明	松潘	衛	洪武十一年置
清	松潘	衛	雍正九年

松潘縣志

一

平康	縣	平康	縣	蠶陵	縣	蠶陵	縣
平康	縣	平康	縣	興樂	縣	蠶陵	縣
省	省	省	省	省	省	省	省
平康	縣	平康	縣	江源	縣	翼針	縣
平康	縣	平康	縣	江源	縣	翼針	縣
平康	縣	平康	縣	交川	縣	翼針	縣
平康	縣	平康	縣	交川	縣	翼針	縣
潘州							
潘州							
潘州							
潘州							

松潘縣志

化郡 開元二十四年屬劍南道治和集縣又領博恭烈山二縣後俱沒吐番

羈縻 軌州 貞觀三年置後又開置峴奉岩遠四州又置崆峒等三十二州屬松州都督府

潤州 貞觀五年置又置諸州後入吐番

翼州 臨德武

翼郡 武德元年置咸亨三年移置悉州上元二年復舊治屬劍南道

霸州 貞觀置義鳳後省天寶初改信安縣

雞川 天寶二年置昭德縣初置

昭德 天寶初置

眞符 天寶五年載

分二縣地置爲昭德郡治乾元初改眞州尋省

峩和 武德初置

悉唐 顯慶初改

咸亨改置南和州天授初改靜州分縣之靜川地置靜居清道二縣天寶初改靜川郡後廢

利和 顯慶初置

屬當州後廢

松潘縣志



民國因之三年廢廳改松潘縣

道 割 都 右 静 置 屬 静 静
 屬 督 道 州 天 元 川 州
 劍 府 道 隸 授 年 儀 川 州
 南 後 南 松 二 和 鳳 州
 龍 州 改 州